

大唐西域記卷第七

轉七

三藏法師玄奘奉詔譯  
大德持寺沙門辯機撰

五國

婆羅痾反女斯國

戰主國

吠舍釐反力支國

弗栗恃國

尼波羅國

婆羅痾斯國周四千餘里國大都城西臨疏伽河長十八九里廣五六里間櫛比居人殷盛家積巨萬室盈奇貨人性溫恭俗重強學多信外道少敬佛法氣序和毅稼盛果木扶疏茂草蘿靡加藍三十餘所僧徒三十餘

人並學小乘正量部法天祠百餘所外道萬餘人並多宗事大自在天成斷髮或推髻露形無服塗身以灰精勤苦行求出生死大城中天祠二十所層臺祠宇彫石文木茂林相蔭清流交帶鑰石天像量減百尺威嚴肅然慄慄如在

大城東北婆羅痾河西有窣堵波無憂王之所建也高百餘尺前建石柱碧鮮若鏡光潤凝流其中常現如來影像

婆羅痾河東北行十餘里至鹿野伽藍區界八分連垣周堵層軒重閣麗窮規矩僧徒一千五百人並學小乘正量部法大垣中有精

舍高二百餘天上以黃金隱起作菴沒羅果石為基陸軌作層龕龕而四周節級百數皆有隱起黃金佛像精舍之中有鑰石佛像量等如來身作轉法輪勢

精舍西南有石窣堵波無憂王建也基雖傾陷尚餘百尺前建石柱高七十餘尺石舍玉

潤鑒照映徹懇懃祈請影見眾像善惡之相時有見者是如來成正覺已初轉法輪處也其側不遠窣堵波是阿若憍陳如等見菩薩捨苦行遂不侍衛來至於此而自習定其傍窣堵波是五百獨覺同入涅槃處又三窣堵波過去三佛座及經行遺迹之所

三佛經行側有窣堵波是梅咀麗耶唐言慈  
舊日也菩薩受成佛記處昔者如來在王舍  
勸說也城鷲峯山告諸苾芻當來之世此瞻部洲土  
地平正人壽八万歲有娑羅門子慈氏者身  
真金色光明照朗當捨家成正覺廣為衆生  
三會說法其齊度者皆我遺法植福衆生也

其於三寶深敬一心在家出家持戒犯戒皆  
蒙化導證果解脫三會說法之中度我遺法  
之徒然後乃化同緣善友是時慈氏菩薩聞  
佛此說從座起白佛言願我作彼慈氏世尊  
如來告曰如汝所言當證此果如上所說皆  
汝教化之儀也

慈氏菩薩受記西有窣堵波是釋迦菩薩受  
記之處賢劫中人壽二万歲迦葉波佛出現  
於世轉妙法輪開化含識授護明菩薩記曰  
是菩薩於當來世衆生壽命百歲之時當得  
成佛号釋迦牟尼釋迦菩薩受記南不遠有  
過去四佛經行遺迹長五十餘步高可七尺

以青石積成上作如來經行之像像形傑男  
威嚴肅然肉髻之上特出髻髮靈相無隱神  
鑒有徵於其垣內聖迹寔多諸精舍窣堵波  
數百餘所略舉二三難用詳述  
伽藍垣西有一清池周二百餘步如來嘗中  
盥浴次西大也同一百八十步如來嘗中滌

器次北有池周百五十步如來嘗中浣衣凡  
此三池並有龍止其水既深其味又甘澄淨  
皎潔常無增減有人慢心濯此池者金毗羅  
獸多為之害若深恭敬汲用無懼浣衣池側  
大方石上有如來袈裟之迹其文明徹煥如  
雕鏤諸淨信者每來供養外道凶人輕蹈此  
轉七

石池中龍王便興風雨  
池側不遠有窣堵波是如來修菩薩行時為  
六牙象王獵人剥其牙也詐服袈裟彎弧伺  
捕象王為敬袈裟遂換牙而授焉  
換牙側不遠有窣堵波是如來修菩薩行時  
愍世無禮示為鳥身與彼猕猴白象於此相

問誰先見是尼拘律樹各言事迹遂編長幼化漸遠近人知上下道俗歸依其側不遠大林中有一窠堵波是如來昔與提婆達多俱爲鹿王斷事之處昔於此處大林之中有兩群鹿各五百餘時此國王畋遊原澤菩薩鹿王前請王曰大王校獵中原縱燎飛矢凡我徒

屬命盡茲晨不日腐臭無所充膳願欲次善日輸一鹿王有割鮮之膳我延旦夕之命王善其言迴駕而返兩群之鹿更次輸命提婆群中有懷孕鹿次當就死白其主曰身雖應死子未次也鹿王怒曰誰不寶命雌鹿嘆曰吾王不仁死無日矣乃告急菩薩鹿王鹿王

曰悲哉慈母之心思及未形吾今代汝遂至王門道路之人傳聲唱曰彼大鹿王今來入邑都人士庶莫不馳觀王之聞也以爲不誠門者白至王乃信然曰鹿王何遽來耶鹿曰有雌鹿當死胎子未產心不能忍敢以身代王聞歎曰我人身鹿也爾鹿身人也於是悉

放諸鹿不復輸命即以其林爲諸鹿藪因而謂之施鹿林焉鹿野之号自此而興伽藍西南二三百里有窠堵波高三百餘尺基址廣峙瑩飾奇珍既無層龕便置覆鉢雖建表柱而無輪鐸其側有小窠堵波是阿若憍陳如等五人棄制迎佛處也初薩婆曷刺他悉陀言

一切義成舊日太子踰城之後棲山隱谷志悉遠多訛略也

太子踰城之後棲山隱谷志我子一切義成捨家修學孤遊山澤獨處林藪故命爾曹隨知所止內則叔父伯舅外則既君且臣凡厥動靜宜知進止五人銜命相望營衛因即勤求欲期出離每相謂曰夫修

轉七

四

道者苦證耶樂證耶二人曰安樂爲道三人曰勤苦爲道二三交爭未有以明於是太子思惟至理爲伏苦行外道節麻米以支身彼二人者見而言曰太子所行非真實法夫道也者樂以證之今乃勤苦非吾徒也捨而遠遁思惟果證太子六年苦行未證菩提欲驗

苦行非真受乳糜而證果斯三人者聞而歎曰功垂成矣今其退矣六年苦行一旦捐功於是相從求訪二人既相見已匡坐高論更相議曰昔見太子一切義成出王宮就荒谷去珍服披鹿皮精勤勵志貞節苦心求深妙法期無上果今乃受牧女乳糜敗道虧志吾知之矣無能為也彼二人曰君何見之晚歎此猖蹶人耳夫處乎深宮安乎尊勝不能靜志遠迹山林棄轉輪王位為鄙賤人行何可念哉言增忉怛耳菩薩浴尼連河坐菩提樹成等正覺号天人師寂然宴默惟察應度曰彼鬱頭藍子者證非想定堪受妙法空中諸天尋聲報白鬱頭藍子命終已來經今七日如來歎惜斯何不遇垂聞妙法遽從變化重更觀察營求世界有阿藍迦藍得無所有處定可授至理諸天又曰終已五日如來再歎愍其薄祐又更諦觀誰應受教唯施鹿林中有一五人者可先誘導如來尔時起菩提樹趣

鹿野園威儀寂靜神光晃曜毫含玉彩身真金色安詳前進導彼五人斯五人遙見如來互相謂曰一切義成彼來者是歲月遠淹聖果不證心期已退故尋吾徒宜各默然勿起迎禮如來漸近威神動物五人忘制拜迎問訊侍從如儀如來漸誘示之妙理兩安居畢方獲果證

施鹿林東行二三里至窰堵波傍有涸池周八十餘步一名救命又謂烈士聞諸先志曰數百年前有一隱士於此池側結廬屏迹博習技術究極神理能使瓦礫為寶人畜易形但未能馭風雲陪仙駕闕圖考古更求仙術其方曰夫神仙者長生之術也將欲求學先定其志築建壇場周一丈餘命一烈士信勇昭著執長刀立壇隅屏息絕言自昏達旦求仙者中壇而坐手按長刀口誦神呪收視反聽遲明登仙所執鋸刀變為寶劍陵虛履空王諸仙侶執劍指麾所欲皆從無衰無老不

病不死是人既得仙方行訪烈士營求曠歲未諧心願後於城中遇見一人悲號逐路隱士觀其相心甚慶悅即而慰問何至怨傷曰我以貧窶傭力自濟其主見知特深信用期滿五歲當酬重賞於是忍勤苦志艱辛五年將周一旦違失既蒙笞辱又無所得以此爲心悲悼誰恤隱士命與同遊來至草廬以術力故化具有饌已而令入池浴服以新衣又以五百金錢遺之曰盡當來求幸無外也自時厥後數加重賂潛行陰德感激其心烈士屢求効命以報知己隱士曰我求烈士彌歷歲時幸而會遇奇貌應圖非有他故願一夕不聲耳烈士曰死尚不辭豈徒屏息於是設壇場受仙法依方行事坐待日曛曛暮之後各司其務隱士誦神呪烈士按銛刀殆將曉矣忽發聲叫是時空中火下煙焰雲蒸隱士疾引此人入池避難已而問曰誠子無聲何以驚叫烈士曰受命後至夜分昏然若夢變

異更起見昔事主躬來慰謝感荷厚恩忍不報語彼人震怒遂見殺害受中陰身顧屍歎惜猶願歷世不言以報厚德遂見託生南印度大婆羅門家乃至受胎出胎備經苦厄荷恩荷德嘗不出聲泊乎受業冠婚喪親生子每念前恩忍而不語宗親戚屬咸見怪異年過六十有五我妻謂曰汝可言矣若不語者當殺汝子我時惟念已隔生世自顧衰老唯此稚子因止其妻令無殺害遂發此聲耳隱士曰我之過也此魔嬈耳烈士感恩悲事不成憤恚而死免火災難故曰救命感恩而死又謂烈士池

烈士池西有三獸窳堵波是如來修菩薩行時燒身之處劫初時於此林野有狐兔獾異類相悅時天帝釋欲驗修菩薩行者降靈應化爲一老夫謂三獸曰二三子善安隱乎無驚懼耶曰涉豐草遊茂林異類同歡既安且樂老夫曰聞二三子情厚意密忘其老弊故

此遠尋今正飢乏何以饋食曰幸少留此我躬馳訪於是同心虛已分路營求狐沿水濱銜一鮮鯉獲於林樹採異華果俱來至止同進老夫唯兔空還遊躍左右老夫謂曰以吾觀之爾曹未如獲狐同志各能役心唯兔空還獨無相饋以此言之誠可知也兔聞譏議

轉七

七

謂狐獲三多聚樵蘇方有所作狐獲競馳銜草曳木既已蘊崇猛焰將熾兔曰仁者我身卑劣所求難遂敢以微躬充此一養辭畢入火尋即致死是時老夫復帝釋身除燼收骸傷歎良久謂狐獲曰一何至此吾感其心不泯其迹寄之月輪傳乎後世故彼咸言月中

之兔自斯而有後人於此建窰塔波從此順苑伽河流東行三百餘里至戰主國中印度境戰主國周二千餘里都城臨苑伽河周十餘里居人豐樂邑里相隣土地膏腴稼穡時播氣序和暢風俗淳質人性獷烈邪正兼信伽藍十餘所僧徒減千人並皆遵習小乘教法

天祠二十異道雜居矣大城西北伽藍中窰塔波無憂王之所建也印度記曰此中有如來舍利一升昔者世尊嘗於此處七日之中為天人眾顯說妙法其側則有過去三佛座及經行遺迹之處隣此復有慈氏菩薩像形量雖小威神巖然靈鑒潛通奇迹間起

大城東行二百餘里至阿迦陀羯刺摩僧伽藍唐言不周垣不廣彫飾甚工花池交影臺閣連甍僧徒肅穆衆儀庠序聞諸先志曰昔大雪山北覩貨邏國有樂學沙門二三同志禮誦餘閑每相謂曰妙理幽玄非言談所究聖迹昭著可足趾所尋宜詢莫逆親觀聖迹

於是二三交友杖錫同遊既至印度寓諸伽藍輕其邊鄙莫之見舍外迫風露內累口腹顏色憔悴形容枯槁時此國王出遊近郊見諸客僧怪而問曰何方乞士何所因來耳既不穿衣又垢弊沙門對曰我覩貨邏國人也恭承遺教高蹈俗塵率其同好觀禮聖迹慨

以薄福眾所同棄印度沙門莫顧羈旅欲還本土巡禮未周雖迫勤苦心遂後已王聞其說用增悲感即斯勝地建立伽藍白氎題書爲之制曰我惟尊居世上貴極人中斯皆三寶之靈祐也既爲人王受佛付囑凡厥漆衣吾當惠濟建此伽藍式招羈旅自今已來諸

轉七

八

穿耳僧我此伽藍不得止舍因其事迹故以名焉阿毘陀羯刺拏伽藍東南行百餘里南渡疏伽河至摩訶婆羅邑並婆羅門種不遵佛法然見沙門先訪學業知其強識方深禮敬疏伽河北有那邏延天祠重閣層臺奠其麗飾諸天之像鵠石而成工極人謀靈應難

究那羅延天祠東行三十餘里有宰堵波無憂王之所建也太半陷地前建石柱高餘二丈上作師子之像刻記伏鬼之事昔於此處有曠野鬼恃大威力散人血肉作害生靈肆極妖崇如來愍諸眾生不得其死以神通力誘化諸鬼導以歸依之敬齊以不殺之戒諸

鬼承教奉以周旋於是舉石請佛安坐願聞正法克念護持自茲厥後無信之徒競共推移鬼置石座動以萬數莫之能轉茂林清池周基左右人至其側無不心懼

伏鬼側不遠有數伽藍雖多傾毀尚有僧徒並皆遵習大乘教法從此東南行百餘里至

一宰堵波基已傾陷餘高數丈昔者如來寂滅之後八國大王分舍利也量舍利婆羅門蜜塗瓶內分授諸王而婆羅門持瓶以歸既得所黏舍利遂建宰堵波并瓶置內因以名焉後無憂王開取舍利瓶改建大宰堵波或至齋日時燭光明從此東北渡疏伽河行百

轉七

九

四五十里至吠舍釐國舊曰毗舍離國訛也中印度境吠舍釐國周五千餘里土地沃壤花果茂盛菴沒羅果茂遮果既多且貴氣序和暢風俗淳質好福重學邪正雜信伽藍數百多已圯壞存者三五僧徒稀少天祠數十異道雜居露形之徒寔繁其黨吠舍釐城已甚傾頽其

故基址周六七十里宮城周四五里少有居人宮城西北五六里至一伽藍僧徒寡少習學小乘正量部法傍有窣堵波是昔如來說毗摩羅詰經長者子寶積等獻寶蓋處其東有窣堵波舍利子等於此證無學之果舍利子證果東南有窣堵波是吠舍釐王之

所建也佛涅槃後此國先王分得舍利式修崇建印度記曰此中舊有如來舍利一斛無憂王開取九斗唯留一斗後有國王復欲開取方事興工尋則地震遂不敢開其西北有窣堵波無憂王之所建也傍有石柱高五六十尺上作師子之像石柱南有池是群獼猴為佛穿也在昔如來曾住於此池西不遠有窣堵波諸獼猴持如來鉢上樹取蜜之處池南不遠有窣堵波是諸獼猴奉佛蜜處池西北隅猶有獼猴形像伽藍東北三四里有窣堵波是毗摩羅詰唐言無垢稱舊曰淨名然取同名乃有異舊淨則無垢各則是稱義雖曰維摩詰訛略也故宅基址多有靈異去此

不遠有一神舍其狀壘輒傳云積石即無垢稱長者現疾說法之處去此不遠有窣堵波長者子寶積故宅也去此不遠有窣堵波是菴沒羅女故宅佛姨母等諸苾芻尼於此證入涅槃

伽藍北三四里有窣堵波是如來將往拘尸

那國入般涅槃人與非人隨從世尊至此佇立次西北不遠有窣堵波是佛於此最後觀吠舍釐城其南不遠有精舍前建窣堵波是菴沒羅女圍持以施佛菴沒羅圍側有窣堵波是如來告涅槃處佛昔在此告阿難曰其得四神足者能住壽一劫如來今者當壽幾

轉七

十

何如是再三阿難不對天魔迷惑故也阿難從坐而起林中宴默時魔來請佛曰如來在世教化已久蒙濟流轉數如塵沙寂滅之樂今其時矣世尊以少土置爪上而告魔曰地土多耶爪土多耶對曰地土多也佛言所度者如爪上土未度者如大地土却後三月吾

當涅槃魔聞歡喜而退阿難林中忽感異夢  
來白佛言我在林間夢見大樹枝葉茂盛蔭  
影蒙密驚風忽起摧散無餘將非世尊欲入  
寂滅我心懷懼故來請問佛告阿難吾先告  
汝汝爲魔蔽不時請留魔王勸我早入涅槃  
已許之期斯夢是也

告涅槃期側不遠有窳堵波千子見父母處  
也昔有仙人隱居巖谷仲春之月鼓濯清流  
塵鹿隨飲感生女子姿貌過人唯脚似鹿仙  
人見已收而養焉其後命令求火至餘仙廬  
足所履地迹皆有蓮花彼仙見已深以奇之  
令其繞廬方乃得火鹿女依命得火而還時

梵豫王畋遊見花尋迹以求悅其奇怪同載  
而返相師占言當生千子餘婦聞之莫不圖  
計日月既滿生一蓮花花有千葉葉坐一子  
餘婦誣罔咸稱不祥投殍伽河隨波泛濫烏  
耆延王下流遊觀見黃雲蓋乘波而來取以  
開視乃有千子乳養成立有大力焉特有王

轉七

士

子拓境四方兵威乘勝將次此國時梵豫王  
聞之甚懷震懼兵力不敵計無所出矣是時  
鹿女心知其子乃謂王曰今寇戎臨境上下  
罹心賤妾愚衷能敗強敵王未之信也憂懼  
良深鹿女乃昇城樓以待寇至千子將兵圍  
城已而鹿女告曰莫爲逆事我是汝母汝是

我子千子謂曰何言之謬鹿女手按兩乳流  
注千岐天性所感咸入其口於是解甲歸宗  
釋兵返族兩國交歡百姓安樂千子歸宗側  
不遠有窳堵波是如來經行舊迹指告衆曰  
昔吾於此歸宗見親欲知千子即賢劫中千  
佛是也述本生東有故基上建窳堵波光明  
時燭祈請或遂是如來說普門陀羅尼等經  
重閣講堂餘址也  
講堂側不遠有窳堵波中有阿難半身舍利  
去此不遠有數百窳堵波欲定其數未有克  
知是千獨覺入寂滅處吠舍釐城內外周隍  
聖迹繁多難以具舉形勝故墟魚鱗間峙歲

月驟改炎涼亟移林既摧殘池亦枯涸朽株  
餘迹其詳驗焉

大城西北行五六十里至大窳堵波栗咭耨

及婆子舊曰難車別如來處如來自吠舍釐

城趣拘尸那國諸栗咭婆子聞佛將入寂滅

相從號送世尊既見哀慕非言可喻即以神

力化作大河崖岸深絕波流迅急諸栗咭婆

悲慟以止如來留鉢為作追念

吠舍釐城西北減二百里有故城荒蕪歲久

居人曠少中有窳堵波是佛在昔為諸菩薩

人天大眾引說本生修菩薩行曾於此城為

轉輪王号曰摩訶提婆唐言大有七寶應王四

天下觀衰變之相體無常之理真懷高蹈忘

情大位捨國出家染衣修學

城東南行十四五里至大窳堵波是七百賢

聖重結集處佛涅槃後百一十年吠舍釐城

有諸苾芻遠離佛法謬行戒律時長老耶舍

陀住憍薩羅國長老三菩伽住秣菟羅國長

轉七

十一

老釐波多住韓若國長老沙羅住吠舍釐國

長老富闍蘇彌羅住娑羅梨弗國諸大羅漢

心得自在持三藏得三明有大大名稱眾所知

識皆是尊者阿難弟子時耶舍陀遣使告諸

賢聖皆可集吠舍釐城猶少一人未滿七百

是時富闍蘇彌羅以天眼見諸大賢聖集議

法事運神足至法會時三菩伽於大眾中右

袒長跪揚言曰眾無譁欽哉念哉昔大聖法

王善權寂滅歲月雖淹言教尚在吠舍釐城

懈怠苾芻謬於戒律有十事出違十力教今

諸賢者深明持犯俱承大德阿難指誨念報

佛恩重宣聖旨時諸大眾莫不悲感即召集

諸苾芻依毗奈耶訂責制止削除謬法宣明

聖教

七百賢聖結集南行八九十里至濕吠多補

羅僧伽藍曾臺輪奐重閣羣飛僧眾清肅並

學大乘其傍則有過去四佛座及經行遺迹

之處其側窳堵波無憂王之所建也如來在

之

昔南趣摩揭陀國北顧吠舍釐城中途止息  
遺迹之處

濕吠多補羅伽藍東南行三十餘里疏伽河  
南北岸各有一窳堵波是尊者阿難陀分身  
與二國趣阿難陀者如來之從父弟也多聞  
摠持博物強識佛去世後繼大迦葉任持正

轉七

十三

法導進學人在摩揭陀國於林中經行見一  
沙彌諷誦佛經章句錯謬文字紛亂阿難聞  
已感慕增懷徐詣其所提撕指授沙彌笑曰  
大德耄矣所言謬矣我師高明春秋鼎盛親  
承示誨誠無所誤阿難默然退而嘆曰我年  
雖邁爲諸衆生欲久住世任持正法然衆生

垢重難以誨語久留無利可速滅度於是去  
摩揭陀國趣吠舍釐城渡疏伽河泛舟中流  
時摩揭陀王聞阿難去情深戀德即嚴戎駕  
疾馳追請數百千衆營軍南岸吠舍釐王聞  
阿難來悲喜盈心亦治軍旅奔馳迎候數百  
千衆屯集北岸兩軍相對旌旂翳日阿難恐

聞其兵更相殺害從舟中起上昇虛空示現  
神變即入寂滅化火焚骸骸又中折一墮南  
岸一墮北岸於是二王各得一分舉軍號慟  
俱還本國起窳堵波而修供養從此東北行  
五百餘里至弗栗恃國北人謂三伐恃  
弗栗恃國周四千餘里東西長南北狹土地

膏腴花果茂盛氣序微寒人性躁急多敬外  
道少信佛法伽藍十餘所僧徒減千人大小  
二乘兼功通學天祠數十外道寔衆國大都  
城号占忒拏多已頽毀故宮城中尚有三千  
餘家若村若邑也大河東北有伽藍僧徒寡  
少學業清高從此西行依河之濱有窳堵波

高餘三丈南帶長流大悲世尊度漁人處也  
越在佛世五百漁人結儔附黨漁捕水族於  
此河流得一大魚有十八頭頭各兩眼諸漁  
人方欲害之如來在吠舍釐國天眼見興悲  
心乘其時而化導因其機而啓悟告諸大衆  
弗栗恃國有大魚我欲導之以悟諸漁人爾

宜知時於是大眾圍繞神足陵虛至於河濱如常敷座遂告諸漁人余勿殺魚以神通力開方便門威被大魚令知宿命能作人語貴解人情尔時如來知而故問汝在前身曾作何罪流轉惡趣受此弊身魚曰昔承福慶生自豪族大婆羅門劫比他者我身是也特其

轉七

十四

族姓陵蔑人倫恃其博物鄙賤經法以輕慢心毀謗諸佛以醜惡語詈辱眾僧引類形比謂若駝驢象馬諸醜形對由此惡業受此弊身尚資宿善生遭佛世目覩聖化親承聖教因而懺謝悔先作業如來隨機攝化如應開導魚既聞法於是命終承茲福力上生天宮

於是自觀其身何緣生此既知宿命念報佛恩與諸天眾肩隨戾止前禮既畢石繞退立以天寶香花持用供養世尊指告漁人為說妙法於即感悟輸誠禮懺裂網焚舟歸真受法既服染衣又聞至教皆出塵垢俱證聖果度漁人東北行百餘里故城西有窄堵波無

憂王所建高百餘尺是佛在昔於此六月說法度諸天人此北百四五十步有小窄堵波如來昔於此處為諸苾芻制戒次西不遠有如來髮爪窄堵波如來昔於此處近遠邑人相趨輻湊焚香散花燈炬不絕從此西北千四五百里踰山入谷至尼波羅國

中印度境

尼波羅國周四千餘里在雪山中國大都城周二十餘里山川連屬宜穀稼多花果出赤銅犂牛命命鳥貨用赤銅錢氣序寒冽風俗險詖人性剛獷信義輕薄無學藝有工巧形貌醜弊邪正兼信伽藍天祠接堵連隅僧徒二千餘人大小二乘兼攻綜習外道異學其

十五末

數不詳王刹帝利栗咭婆種也志學清高純信佛法近代有王号鶻輸伐摩唐言碩學聰叡自製聲明論重學敬德遐邇著聞都城東南有小水池以人火投之水即焰起更投餘物亦變為火從此復還吠舍釐國南渡疏伽河至摩揭陀國

舊白摩伽陀又曰摩竭提皆訛也中印度境

